

舍利弗阿毗曇論卷第二十二

寫十

姚秦天竺三藏曇摩耶合共曇摩崛多譯

緒分定品第十之餘

何謂共不淨想定如比丘觀察自身從頂至足從足至頂乃至皮膚皆是不淨謂骨齒爪髮薄皮厚皮血肉筋脉脾腎心肺大小便利涕唾膿血膏肪腦膜淚汗骨髓如明眼人觀倉中穀胡麻麥豆種種別異如是比丘觀自身從頂至足皆是不淨如實人若想憶想是謂不淨想若定此想共生共住共滅是名共

不淨想定復次比丘思惟骨知骨解骨受骨乃至思惟淚汗知淚汗解淚汗受淚汗如實人若想憶想是名共不淨想定復次比丘觀四大身此身有地水火風大如屠牛師屠師弟子屠牛四分若坐若立觀此四分如是比丘觀四大身有地水火風大觀此諸大各各相違此身諸大依於外大飲食長養羸劣不堅念念摩滅暫住不久如實人若想憶想乃至是名共不淨想定復次比丘觀身盡空俱空以念遍知解行猶如竹葦盡空俱空如

寫十

是比丘觀身盡空俱空以念遍知解行如實人若想憶想乃至是名共不淨想定復次比丘觀身如癰瘡身有九瘡津漏門所出津漏皆是不淨津漏是胎始膜是腐敗是臭穢是可惡津漏眼出眵淚膿血津漏耳出結聾膿血津漏鼻出涕唾膿血津漏口出涕唾膿血津漏二處出便利膿血津漏如人癰瘡乾痂久住如是九瘡津漏門所出皆是不淨津漏是胎始膜是腐敗是臭穢是可惡津漏乃至如摩訶迦葉所說四大身是衰耗相違津漏

眾病居處眾苦依處愛護身者如愛護死屍壽命短促如實人若想憶想乃至是名共不淨想定復次比丘若見死屍棄在塚間若一日至三日觀自身如是法如是相未離是法如實人若想憶想乃至是名共不淨想定復次比丘若見死屍棄在塚間若一日二日腫脹青瘀觀自身如是法如是相未離是法如實人若想憶想乃至是名共不淨想定復次比丘若見死屍棄在塚間若一日至三日為烏鳥虎狼野干諸獸之所食瞰觀自身如是

寫十

二

法如是相未離是法如實人若想憶想乃至
是名共不淨想定復次比丘若見死屍骨節
相連青赤爛壞膿血不淨臭穢可惡觀自身
如是法如是相未離是法如實人若想憶想
乃至是名共不淨想定復次比丘若見死屍
骨節相連血肉已離筋脉未斷觀自身如是
法如是相未離是法如實人若想憶想乃至
是名共不淨想定復次比丘若見死屍骨節
已壞未離本處觀自身如是法如是相未離
是法如實人若想憶想乃至是名共不淨想

定復次比丘若見死屍骨節已壞遠離本處
脚胫膊腕脊脇肋手足肩臂項髑髌各各異
處觀自身如是法如是相未離是法如實人
若想憶想乃至是名共不淨想定復次比丘
若見死屍骨節久故色白如貝色青如鴿朽
敗碎壞觀自身如是法如是相未離是法如
實人若想憶想乃至是名共不淨想定復次
比丘觀骨胞腫脹青瘀上有赤爛相離散如
實人若想憶想乃至是名共不淨想定復次
比丘知骨解骨受骨乃至思惟散知散解散

受散如實人若想憶想乃至是名共不淨想定何謂共不淨想定若比丘從頂至足從足至頂乃至皮膚皆是不淨謂骨齒爪髮薄皮厚皮乃至淚汗骨髓如明眼人觀倉中穀胡麻麥豆種種別異如是比丘觀見自身從頂至足皆是不淨如實人若想憶想是名不淨想以此想調伏心修令柔軟令定心住是名共不淨想定復次比丘觀身四大乃至思惟骨解骨受骨乃至思惟散知散解散受散如實人若想憶想是謂不淨想以此想調伏心

修令柔軟得定心住正住是名共不淨想定何謂入火定如比丘內火大受為火內地水風大受為薪比丘以內火大內地水風大思惟烟知烟解烟受烟思惟燄知燄解燄受燄比丘如是不放逸觀烟燄如大火聚若修此定已烟燄如大火聚是名入火定復次比丘內火大受為火外地水風大草木枝葉受為薪比丘以內火大外地水風大草木枝葉思惟烟知烟解烟受烟乃至是名入火定復次比丘內火大受為火內地水風大草木枝

葉受為薪比丘以內火大內外地水風大草
木枝葉思惟烟知烟解烟受烟乃至是名入
火定復次比丘外火大受為火內地水風大
受為薪比丘以外火大內地水風大思惟烟
知烟解烟受烟乃至是名入火定復次比丘
寫十
外火大受為火外地水風大草木枝葉受為
薪比丘以外火大外地水風大草木枝葉思
惟烟知烟解烟受烟乃至是名入火定復次
比丘外火大受為火內外地水風大草木枝
葉受為薪比丘以外火大內外地水風大草

木枝葉思惟烟知烟解烟受烟乃至是名入
火定復次比丘內外火大受為火內地水風
大受為薪比丘以內外火大為火內地水風
大思惟烟知烟解烟受烟乃至是名入火定
復次比丘內外火大受為火外地水風大草
木枝葉受為薪比丘以內外火大外地水風
大草木枝葉思惟烟知烟解烟受烟乃至是
名入火定復次比丘內外火大受為火內外
地水風大草木枝葉受為薪比丘以內外火
大內外地水風大草木枝葉思惟烟知烟解

烟受烟乃至是名入火定

何謂共證知神足定欲定斷行成就修神足
精進定心定慧定斷行成就修神足受種種
神足震動大地以一為多以多為一若近若
遠高山墻壁徹過無礙如行虛空結跏趺坐

寫十

五

陵空如鳥出入地中如出沒水履水如地身
出烟燄如火聚日月威德以手捫摸乃至
梵天身得自在云何動地如比丘受少地想
受無量水想若欲動地動正動如所欲隨所
欲盡所欲如沽酒師沽酒師弟子壓酒已以

囊投大水中手執兩角擡舉隨意牽挽自在
如所欲隨所欲盡所欲如是比丘受少地想
受無量水想若欲動地動正動如所欲盡所
欲是名地動定云何以一為多如比丘定親
近多修學已於自身起心化為餘色身支節
具足諸根無缺如陶師陶師弟子治成調泥
為種種器悉能成辦能得財利如是比丘於
自身起心化為餘色身支節具足諸根無缺
如是思惟此四大色身所化色身四大色身
異所化色身異於此四大色身起心化為餘

色身支節具足諸根無缺如人出箱中衣如是思惟此是箱此是衣箱異衣異衣箱故出衣如是比丘思惟此四大色身此所化色身四大色身異所化色身異於此四大色身起化心化爲餘色身支節具足諸根無缺若化爲二身三身乃至百身千身隨所欲化爲種種身是名以一爲多定云何以多爲一如比丘定親近多修學已以神足化無量身還爲一身如人散種種穀子布地還攝爲一聚如是比丘以神足化作無量身還攝爲一身是

名以多爲一定云何徹過無礙如比丘定親近多修學已若近若遠高山墻壁徹過無礙如遊虛空近謂光明來至於眼現在已前不滅不沒不除不盡遠謂光明不來至眼不現在前滅除盡山有二種土山石山巖窟沙石是名山墻壁二種木墻壁土墻壁若近若遠高山墻壁思惟一切高山墻壁皆空如比丘於此地山岸棘刺處幽險深河悉不思惟但思惟平等如地如挖牛皮釘布平地無有攝斂比丘如是不放逸觀故能近物遠物高

寫十

六

山墻壁徹過無礙如遊虛空是名徹過無礙
 定云何結跏趺坐凌虛如鳥如比丘定親近
 多修學已上升虛空結跏趺坐遊於東方南
 西北方四維上下猶如飛鳥離地至空如是
 比丘不放逸觀故結跏趺坐遊空如鳥是名
 遊空定云何出入地中如出沒水如比丘定
 親近多修學已出入地中如出沒水比丘思
 惟地為水知水解水受水如是比丘不放逸
 觀故出入地如水是名出入地如水定云何
 履水如地如比丘定親近多修學已履水如

地比丘思惟水為地知地解地受地比丘如
 是不放逸觀故履水如地是名履水如地定
 云何身出烟燄如大火聚如比丘定親近多
 修學已身出烟燄如大火聚比丘受內火大
 為火內地水風大為薪以內火大地水風大
 思惟出烟知烟解烟受烟思惟出燄知燄解
 燄受燄比丘如是不放逸觀故身出煙燄如大
 火聚是名身出烟燄如大火聚定云何日月
 威德以手捫摸如比丘定親近多修學已日
 月威德以手捫摸比丘思惟日月為近知近

解近受近比丘住閻浮提能舒右手捫摸日月復次比丘自身起心化爲餘色身支節具足諸根無缺以此化身至四天王上以手捫摸日月又以此四大色身至四天王上以手捫摸日月是名日月威德以手捫摸定云何

至梵天身得自在如比丘定親近多修學已乃至梵天身得自在比丘從自身起心化爲餘色身支節具足諸根無缺以此化身至梵天上親近梵天共住共坐共去來共入定知見共言說又以此四大色身飛到梵天親近

梵天共住共坐共去來共入定知見共言說是名至梵天身得自在定若比丘定親近多修學已得報定若入定不入定能作種種無量神足謂動地乃至梵天身得自在是名共證知神足定

何謂共證知天耳定如比丘若取野菴菴聲想比丘心離於野麤菴菴聲令心入細野菴菴聲比丘以細野菴菴聲調心柔軟令心入於天耳智證如是不放逸觀得共證知天耳得定心住正住比丘得定已令心向於人聲

人何所論何所說比丘如是不放逸觀得聞
人聲如人所論所說悉皆聞之如比丘定親
近多修學已令心向於地獄畜生餓鬼天聲
天何所論何所說比丘如是不放逸觀得聞
天聲如所論所說悉皆聞之如比丘定親近
多修學已高十以天耳清淨過人一時聞二種聲
人非人聲若比丘定親近多修學已得報定
若入定不入定以天耳清淨過人一時聞二
聲人非人聲是名共證知天耳定
何謂共證知他心定如比丘取自心相我心

何因生何由滅何親近何遠離比丘如是取
自心相已令心向他心證知比丘如是不放
逸觀得共證知他心定心住正住比丘得定
已欲知人心何所思何所覺何所思惟比丘
如是不放逸觀能知人心如所思如所覺如
所思惟悉皆知之如比丘定親近多修學已
欲知地獄畜生餓鬼天心何所思何所覺何
所思惟比丘如是不放逸觀能知地獄餓鬼
畜生天心如所思如所覺如所思惟悉皆知
之如比丘定親近多修學已能知他人他衆

生心有欲心如實知有欲心無欲心如實知
 無欲心有慧心如實知有慧心無慧心如實
 知無慧心有癡心如實知有癡心無癡心如
 實知無癡心沒心如實知沒心散心如實知
 散心少心如實知少心多心如實知多心不
 定心如實知不定心定心如實知定心不解
 脫心如實知不解脫心解脫心如實知解脫
 心有勝心如實知有勝心無勝心如實知無
 勝心若比丘定親近多修學已得報定若入
 定不入定能知他人他衆生心有欲心如實

第十

九

知有欲心乃至有勝心無勝心如實知有勝
 心無勝心是名共證知他心定
 何謂共證知宿命定如比丘思惟無間心後
 心前心漸漸無間比丘如是思惟無間心得
 證知共心無間定心住正住比丘得定已憶
 念一心二心三心四心五心十心乃至百心
 千心若過或有母腹中生初識比丘如是思
 惟何心滅已母腹中生初識比丘念心向宿
 命證知比丘如是不放逸觀得共宿命證知
 定心住正住比丘得定憶念不難彼本生本

有本居處本所起本我分若欲終心若心滅已母腹中受初識若修此定憶念不難比丘如是思惟我本何名何姓何生何食何壽命何究竟住受何苦樂比丘若修此定知我本如是名如是姓如是生如是食如是壽命如是究竟住如是受苦樂是名共證宿命定如是究竟住如是受苦樂是名共證宿命定如比丘定親近多修學已憶念一生二生乃至百生千生若過或曾在無想天上住知無間心障礙以凡夫未聞故言我本不曾在彼忽然自生以聖人聞故如是思惟我宿命始由

心證知有如是天是色無想無受無心住處比丘如是思惟我若憶念宿命色比丘思惟無間色後色前色漸漸無間比丘如是思惟無間色得共證知宿命色無間定心住正住比丘得定已憶念不難是名共證知宿命定如比丘定親近多修學已憶念^{寫十}一生二生乃至百生千生若過或有曾在無色天上以無間色障礙以凡夫未聞故言我本不曾在彼忽然自生以聖人聞故如是思惟我宿命由色證知有如是無色有想有受若無色地比

丘如是思惟我若憶念宿命心比丘思惟後
心前心漸漸無間比丘如是思惟無間心得
共宿命心無間定心住正住比丘得定已憶
念不難是名共證知宿命定如比丘定親近
多修學已憶念種種無量宿命若憶念一生
二生乃至百生千生若劫成若劫壞若劫成
壞我本曾在彼如是名如是姓乃至如是受
苦樂我此命終生彼彼命終生此於此成就
行憶念種種無量宿命若比丘定親近多修
學已得報定若入定不入定憶念種種無量

宿命從一生乃至於此成就是名共證知
宿命定

何謂共明想定如比丘取諸明相謂火光日
月星宿无摩尼珠光取諸光明相已若樹下
露處思惟光明寫下知光明受光明如實人若想
憶想是名光明想若定此想共生共住共滅
是名共明想定如比丘定親近多修學已若
樹下露處以清淨心遍解行有明勝心如實
人若想憶想是名明想若定此想共生共住
共滅是名共明想定如比丘定親近多修學

已若一樹下若二三乃至十樹下以清淨心
遍解行有明勝心如實人若想憶想是名明
想若定此想共生共住共滅是名共明想定
如比丘定親近多修學已若一園以清淨心
遍解行有明勝心如實人若想憶想是名明
想若定此想共生共住共滅是名共明想定
如比丘定親近多修學已若一園二三乃至
十園以清淨心遍解行有明勝心如實人若
想憶想是名明想若定此想共生共住共滅
是名共明想定如比丘定親近多修學已若

一聚落二三乃至十聚落以清淨心遍解行
有明勝心如實人若想憶想是名明想若定
此想共生共住共滅是名共明想定如比丘
定親近多修學已若一園二三乃至十園以
清淨心遍解行有明勝心如實人若想憶想
是名明想若定此想共生共住共滅是名共
明想定如比丘定親近多修學已水陸周匝
以清淨心遍解行有明勝心如實人若想憶
想是名明想若定此想共生共住共滅是名
共明想定如比丘定親近多修學已以天眼

清淨過人見衆生生死好色惡色善道惡道
卑勝知衆生造業此衆生身惡行成就口意
惡行成就謗賢聖邪見造邪見業身壞命終
墮地獄畜生餓鬼此衆生身善行成就口意
善行成就^{第十}不謗賢聖正見造正見業身壞命
終生天上人中^{十二}如是以天眼清淨過人見衆
生生死好色惡色善道惡道知衆生造業修
此定已以天眼清淨過人見衆生生死乃至
知所造業是名共明想定若比丘定親近多
修學已得報定若入定不入定以天眼清淨

過人見衆生生死乃至知衆生所造業是名
共明想定

何謂無間定比丘思惟無常苦空無我涅槃
寂靜得定心住得定已得初聖五根以得初
聖五根故上正決定離凡夫地未得須陀洹
果若中命終無有是處若未得須陀洹果墮
地獄畜生餓鬼無有是處若比丘定親近多
修學已得無間定向須陀洹果若此定無間
滅已得須陀洹果是名無間定若比丘定親
近多修學已得無間定向斯陀含果若此定

無間滅已得斯陀舍果是名無間定若比丘
 定親近多修學已得無間定向阿那舍果若
 此定無間滅已得阿那舍果是名無間定若
 比丘定親近多修學已得無間定向阿羅漢
 果若此定無間滅已得阿羅漢果是名無間
 定

第十

三

云何定根學人離煩惱聖心入聖道若堅信
 堅法是名定根云何定根學人離煩惱聖心
 入聖道若堅信堅法及餘趣人見行過患觀
 涅槃寂滅若實人觀苦集滅道未得欲得未

解欲解未證欲證修道離煩惱見學人若須
 陀洹斯陀舍阿那舍觀智具足若智地若觀
 解脫心若得四沙門果若須陀洹果斯陀舍
 果阿那舍果無學人阿羅漢未得聖法欲得
 修道觀智具足若智地若觀解脫心得阿羅
 漢果已如實人如趣人若心住正住專住緣
 住心一定一樂不散不捨心依意心識處
 定力定覺正定是名定根
 云何謂定力定根是名定力云何覺定力是
 名覺

云何正定若定善順不逆是名正定云何邪定若定不善不順逆是名邪定

云何聖定若定無漏是名聖定云何非聖定若定有漏是名非聖定

云何有漏定若定有染是名有漏定云何無漏定若定無染是名無漏定

云何有染定若定有求是名有染定云何無染定若定無求是名無染定云何有求定若定當取是名有求定云何無求定若定不當取是名無求定

云何當取定若定有取是名當取定云何非當取定若定無取是名非當取定

云何有取定若定有勝是名有取定云何無取定若定無勝是名無取定

云何有勝定若定有取是名有勝定云何無勝定若定不取是名無勝定寫十復次若定有餘十四

定勝妙過是名有勝定若定無餘定勝妙過是名無勝定復次若修定已如來於一切法無礙知見得由力尊勝無上正覺如來十力成就四無所畏大慈大悲轉於法輪自在成

就除此定若餘定是名有勝定若上所除定是名無勝定

云何受定若定內是名受定云何非受定若定外是名非受定

云何內定若定受是名內定云何外定若定非受是名外定

云何有報定若定報法是名有報定云何無報定若定報若非報非報法是名無報定

云何共凡夫定若定非凡夫入出凡夫亦入出是名共凡夫定云何不共凡夫定若定非

凡夫入出是名不共凡夫定云何非凡夫共定若定凡夫入出非凡夫亦入出是名非凡夫共定云何非凡夫不共定若定凡夫入出非凡夫不入出是名非凡夫不共定

寫十

十五

云何共聲聞定若定非聲聞入出聲聞亦入出是名共聲聞定云何不共聲聞定若定非

聲聞入出聲聞不入出是名不共聲聞定

云何非聲聞共定若聲聞入出非聲聞亦入出是名非聲聞共定云何非聲聞不共定若

定聲聞入出非聲聞不入出是名非聲聞不

共定

云何如電定若定少少住少時住如電少少住少時住定亦如是是名如電定

云何如金剛定若定無量無量住無量時住如金剛無量無量住無量時住定亦如是是名如金剛定復次若定修已斷少煩惱分如電從雲中出炤少闇分便速滅定亦如是是名如電定若定修已斷一切煩惱若麤若微無不斷滅如金剛投於珠石無不破壞推折定亦如是是名如金剛定復次若修定得須

陀洹果斯陀舍果阿那含果是名如電定若修定得阿羅漢果是名如金剛定復次若修定得須陀洹果乃至阿羅漢果辟支佛道是名如電定若修定若如來所修定於一切法無礙知見得由力尊勝無上正覺如來十力成就四無所畏大慈大悲轉於法輪自在成就就是名如金剛定

云何不定得定若定得不定得難得難持是名不定得定云何定得定若定得決定得不難得易持是名定得定

云何有行難持定若定得不定得難得難持
 無由力尊自在不如所欲不隨所欲不盡所
 欲有行難入出如船逆水難行定亦如是是
 名有行難持定云何無行易持定若定得決
 定得不難得易得由力尊自在如所欲隨所
 欲盡所欲無行入出如船順水易行定亦如
 是是名無行易持定

寫十

十六

云何一分修定若修定已想有光明但不見
 色若見色不想有光明是名一分修定云何
 二分修定若修定已想有光明亦見色是名

二分修定復次若修定已生智但斷煩惱若
 斷煩惱不生智是名一分修定若修定已智
 生能斷煩惱是名二分修定復次若修定已
 盡智生非無生智是名一分修定若修定已
 盡智生及無生智是名二分修定

云何有想定若定有境界是名有想定云何
 無想定若定無境界是名無想定復次除無
 想定滅盡定若餘定是名有想定若無想定
 滅盡定是名無想定

云何如事定若法如法如狀貌如自性如隨

緣所起如相入是名如事定

云何憶想定若法如法想如狀貌如自性如
隨緣起若如法相若非如法相入出是名憶
想定

云何離色想定若定離色想入若離色想入

第十

十七

定是名離色想定云何不離色想定若定不
離色想入若不離色想入定是名不離色想
定復次若定無色界是名離色想定若定色
界及聖是名不離色想定

云何勝入定若八勝入是名勝入定

云何一切入定若十一切入是名一切入定

云何有覺定若定覺相應覺共生共住共滅
是名相應覺定云何無覺定若定非覺相應
不共覺生不共住不共滅是名無覺定

云何有觀定若定觀相應觀共生共住共滅

是名有觀定云何無觀定若定非觀相應不
共觀生不共住不共滅是名無觀定

云何有喜定若定喜相應共喜生共住共滅
是名有喜定云何無喜定若定非喜相應不
共喜生不共住不共滅是名無喜定

云何共味定若定染行相應是名共味定

云何共捨定若定不苦不樂受相應是名共捨定

云何忍相應定若定忍共生共住共滅是名

忍相應定云何非忍相應定若定非忍共生

共住共滅是名非忍相應定

云何智相應定若定共智生共住共滅是名

智相應定云何非智相應定若定非智共生

共住共滅是名非智相應定

云何忍始止定聖無漏堅信堅法所修是

名忍始定云何智始定若定聖無漏見道人
所修是名智始定

云何欲終定若定最後識相應是名欲終定

云何始生定若定初識相應是名始生定

云何善定若定修是名善定云何不善定若

定斷是名不善定云何無記定若定受非報

非報法是名無記定

云何學定若定聖非無學是名學定云何無

學定若定聖非學是名非學定云何非學非

無學定若定非聖是名非學非無學定

云何報定若定受若定善報是名報定云何
報法定若定有報是名報法定云何非報非
報法定若定無記非我分攝是名非報非報
法定

云何見斷定若定不善非思惟斷是名見斷
定云何思惟斷定若定不善非見斷是名思
惟斷定云何非見斷非思惟斷定若定善無
記是名非見斷非思惟斷定

云何見斷因定若定見斷若見斷法報是名
見斷因定云何思惟斷因定若定思惟斷若

思惟斷法報是名思惟斷因定云何非見斷
非思惟斷因定若定善若善法報若非報非
報法是名非見斷非思惟斷因定

云何下定若定不善是名下定云何中定若
定無記是名中定云何上定若定善是名上

寫下

十九

定復次若定不善無記是名下定若定非聖
善是名中定若定聖無漏是名上定

云何麤定若定欲界繫是名麤定云何細定
若定色界繫若不繫是名細定云何微定若
定無色界繫是名微定復次若定欲界繫色

界繫是名麤定若定空處繫識處繫不用處繫若不繫是名細定若定非想非非想處繫是名微定復次若定欲界繫色界繫空處繫識處繫不用處繫是名麤定若定不繫是名細定若定非想非非想處繫是名微定

云何有覺有觀定無覺有觀定無覺無觀定空定無相定無作定如道品三支道中廣說云何三願得定若願果得定若願得定若寂靜願得定若比丘得一二定若空無相無作定比丘如是思惟我應親近多修學此定願

欲得四沙門果故比丘定親近多修學願欲得四沙門果故比丘定親近多修學願得四沙門果若如是得定是名願果得定若比丘勤進行或有欲無欲有進無進比丘如是思惟我應修此欲及進親近多修學比丘欲久進親近多修學應勤進定心若如是得定是名願得定若比丘得一二定不得定難得難持比丘如是思惟我應親近多修學此定令我得由力尊自在比丘定親近多修學令我得由力尊自在若如是得定是名寂靜願得

定是名三願得定云何非三願得定不願果
得定不願得定不寂靜願得定若比丘得一
二定若空無相無作定比丘不如是思惟我
應親近多修學此定不願欲得四沙門果故
比丘定親近多修學不願欲得沙門果故比
丘定親近多修學已得沙門果若如是得定
是名不願果得定若比丘勤進行或有欲無
欲有進無進比丘不如是思惟我應修欲及
進親近多修學比丘欲及進親近多修學應
勤進定心若如是得定是名不願得定若比

高十

二十

丘得一一定不得定難得難持比丘不如是
思惟我應親近多修學此定令我得定由力
尊自在比丘定親近多修學令我得定由力
尊自在若如是得定是名不寂靜願得定是
名非三願得定

云何內身觀內身定若比丘一切內四大色
身攝法若一處內四大色身攝法觀無常苦
空無我得定心住正住是名內身觀內身定
云何外身觀外身定若比丘一切外四大色
身攝法若一處外四大色身攝法觀無常苦

空無我得定心住正住是名外身觀外身定
 云何内外身觀内外身定若比丘一切内外
 四大色身攝法若一處内外四大色身攝法
 觀無常苦空無我得定心住正住是名内外
 身觀内外身定

云何内受觀内受定若比丘一切内受若一
 處内受觀無常苦空無我得定心住正住是
 名内受觀内受定云何外受觀外受定若比
 丘一切外受若一處外受觀無常苦空無我
 我得定心住正住是名外受觀外受定云何内

外受觀内外受定若比丘一切内外受若一
 處内外受觀無常苦空無我得定心住正住
 是名内外受觀内外受定

云何内心觀内心定若比丘一切内心若一
 處内心觀無常苦空無我得定心住正住是
 名内心觀内心定云何外心觀外心定若比
 丘一切外心若一處外心觀無常苦空無我
 我得定心住正住是名外心觀外心定云何内
 外心觀内外心定若比丘一切内外心若一
 處内外心觀無常苦空無我得定心住正住

是名內外心觀內外心定

云何內法觀內法定若比丘除四大色身攝
法及受心餘一切內法若一處內法觀無常
苦空無我得定心住正住是名內法觀內法
定云何外法觀外法定若比丘除四大色身
攝法及受心餘一切外法若一處外法觀無
常苦空無我得定心住正住是名外法觀外
法定云何內外法觀內外法定若比丘除四
大色身攝法及受心餘一切內外法若一處
內外法觀無常苦空無我得定心住正住是

名內外法觀內外法定

云何內境界定思惟內法若定生是名內境
界定云何外境界定思惟外法若定生是名
外境界定云何內外境界定思惟內外法若
定生是名內外境界定

第十

十三

云何衆生境界定無衆生境界定復次若以
慈悲喜捨思惟衆生若生定是名衆生境界
定

云何色境界定思惟色法若定生是名色境
界定云何無色境界定思惟無色法若定生

是名無色境界定

云何衆生境界定如上說云何有為境界定
思惟有為法若定生是名有為境界定云何
無為境界定思惟無為法若定生是名無為
境界定

云何衆生境界定如上說云何法境界定思
惟法若定生是名法境界定云何無境界定
無無境界定復次思惟過去未來法若定生
是名無境界定

云何衆生境界定如上說云何少定若定少

少住少間住是名少定云何中定若定中
住中間住是名中定云何無量定若定無量
無量住無量間住是名無量定復次若定少
住少輒少境界是名少定若定中住中輒中
境界是名中定若定無量住無量勝無量境
界是名無量定

寫十

廿三

云何少境界定若定緣一衆生一法一行故
生除如來及涅槃是名少境界定云何中境
界定若定緣有量衆生有量法故生除如來
及涅槃是名中境界定云何無量境界定若

定緣無量衆生無量法如來及涅槃故生是名無量境界定

云何少定少境界若定緣少住少輒一衆生一法一行故生除如來及涅槃是名少定少境界云何少定中境界若定緣少住少輒有

量衆生有量法故生除如來及涅槃是名少定中境界云何少定無量境界若定緣少住少輒無量衆生無量法如來及涅槃故生是名少定無量境界云何中定少境界若定緣中住中輒一衆生一法一行故生除如來及

涅槃是名中定少境界云何中定中境界若定緣中住中輒有量衆生有量法故生除如來及涅槃是名中定中境界云何中定無量境界若定緣中住中輒無量衆生無量法如來及涅槃故生是名中定無量境界云何無量定少境界若定緣無量住無量勝一衆生一法一行除如來及涅槃是名無量定少境界云何無量定中境界若定緣無量住無量勝有量衆生有量法故除如來及涅槃是名無量定中境界云何無量定無量境界若定

緣無量住無量勝無量衆生無量法如來及
涅槃是名無量定無量境界

云何少住定若定少間住如彈指頃或多非
如擊牛頃或多是名少住定云何中住定若
定中間住如擊牛頃或多非七日或多是名

中住定云何無量住定若定無量間住七日

或多是名無量住定云何少定少住若定少
境界少輒若少間住如彈指頃或多非如擊
牛頃或多是名少定少住云何少定中住若
定少境界少輒若中間住如擊牛頃或多非

七日或多是名少定中住云何少定無量住
若定少境界少輒若無量間住七日或多是
名少定無量住云何中定少住若定中境界
中輒若少間住彈指頃或多非如擊牛頃或
多是名中定少住云何中定中住若定中境
界中輒若中間住如擊牛頃或多非七日或
多是名中定中住云何中定無量住若住中
境界中輒若無量間住七日或多是名中定
無量住云何無量定少住若定無量境界無
量勝若少間住如彈指頃或多非如擊牛頃

或多是名無量定少住云何無量定中住若
定無量境界無量勝少間住如犍牛頃或多
非七日或多是名無量定中住云何無量定
無量住若定無量境界無量勝無間住七日
或多是名無量定無量住

第十

廿五

云何過去定若定生已滅是名過去定云何
未來定若定未生未出是名未來定云何現
在定若定生未滅是名現在定云何過去境
界定思惟過去法若定生是名過去境界定
云何未來境界定思惟未來法若定生是名

未來境界定云何現在境界定思惟現在法
若定生是名現在境界定云何非過去非未
來非現在境界定思惟非過去非未來非現
在法若定生是名非過去非未來非現在境
界定

云何欲界繫定若定欲漏有漏是名欲界繫
定云何色界繫定若定色漏有漏是名色界
繫定云何無色界繫定若定無色漏有漏是
無色界繫定云何不繫定若定聖無漏是名
不繫定

云何作定非離若定非聖有報是名作定非
 離云何離定非作若定聖有報能斷煩惱是
 名離定非作云何作離定無一定若作若離
 若作定非離若離定非作是名作離定云何
 非作非離定除作離定若餘定是名非作非
 離定復次作定非離若定欲界有報是名作
 定非離若定聖有報能斷煩惱是名離定非
 作若修定斷欲界煩惱受色無色界有是名
 作離定若定無報若定聖有報非斷煩惱是
 名非作非離定取定非出出定非取出取定

非取非出定有染定非離染離染定非有染
 有染離染定非有染非離染定有軛定非離
 軛離軛定非有軛有軛離軛定非有軛離軛
 定亦如是
 云何智果定非斷果若修定生智非能斷煩
 惱是名智果定非斷果云何斷果定非智果
 若修定斷煩惱不生智是名斷果定非智果
 云何智果斷果定無一定若智果若斷果若
 智果定非斷果若斷果定非智果是名智果
 斷果定云何非智果非斷果定除智果斷果

第十

十六

定若餘定是名非智果非斷果定復次智果
定非斷果若修定得非聖五通或一或二是
名智果定非斷果若修定得斯陀舍果是名
斷果定非智果若修定得須陀洹果阿那舍
果阿羅漢果是名智果斷果定若定無報若
定有報非生智非能斷煩惱是名非智果非
斷果定智果定非得果定得果定非智果智
果得果定非智果非得果定亦如是
云何盡定非覺若修定斷煩惱不生智是名
盡定非覺云何覺定非盡若修定生智不斷

煩惱是名覺定非盡云何盡覺定無一定若
盡若覺若盡定非覺若覺定非盡是名盡覺
定云何非盡非覺定除盡覺定若餘定是名
非盡非覺定復次若修定得斯陀舍果是名
盡定非覺若修定得非聖五通或一或二是
名覺定非盡若修定得須陀洹果阿那舍果
阿羅漢果是名盡覺定若定非報若定有報
非能斷煩惱非生智是名非盡非覺定射定
非解脫定非射射解定非射解定亦如是云
何退分定若定不善是名退分定云何住分

定若定無記是名住分定云何增長分非定
非聖善是名增長分定云何射分定若定聖
有報能斷煩惱是名射分定復次若修定退
非聖善法非住不增長是名退分定若修定
非聖善法住不退不增長是名住分定若定
共射相應是名射分定云何退分定非住分
若定有退非住是名退分定非住分云何住
分定非退分若定住非有退是名住分定非
退分云何退分住分定無一定退分住分若
退分非住分若住分非退分是名退分住分

定云何非退分非住分定除退分住分定若
餘定是名非退分非住分定云何退分定非
增長分若定有退非增長是名退分定非增
長分云何增長分定非退分若定增長非退
是名增長分定非退分云何退分增長分定
無一定退分增長分若退分非增長分若增
長分非退分是名退分增長分定云何非退
分非增長分定除退分增長分若餘定是名
非退分非增長分定云何退分定非射分若
定有退非射是名退分定非射分云何射分

定非退分若定有射非退是名射分定非退
分云何退分射分定無一定退分射分若退
分定非射分定若射分定非退分是名退分
射分定云何非退分非射分定除退分射分
定若餘定是名非退分非射分定云何住分
定非增長分若定有住非增長是名住分定
非增長分定云何增長分定非住分若定有
增長是名增長分定非住分云何住分增長
分定無一定住分增長分若住分定非增長
分定若增長分非住分是名住分增長分定

第十

十八

云何非住分非增長分定除住分增長分定
若餘定是名非住分非增長分定云何住分
定非射分若定有住非射是名住分定非射
分云何射分定非住分定若射非住是名射
分定非住分云何住分射分定無一定若住
分射分若住分定非射分若射分定非住分
是名住分射分定云何非住分非射分定除
住分射分定若餘定是名非住分非射分定
云何增長分定非射分若定有增長非射是
名增長分定非射分云何射分定非增長分

若定有射非增長是名射分定非增長分云
 何增長分射分定無一定若增長分射分若
 增長分定非射分若射分定非增長分是名
 增長分射分定云何非增長分非射分定除
 增長分射分定若餘定是名非增長分非射
 分定四念處四正勤四神足四禪四無量心
 四無色定四向四果四修定四斷五根五力
 五解脫入五出界五觀定五生解脫法六念
 六空六出界六明分法六悅根法六無喜正
 覺七覺七想七定所須八聖道八解脫八勝

處九滅九次第滅定九想十想十正法十一
 切入十一解脫入如上道品說

舍利弗阿毗曇論卷第二十二

音釋

脾房脂切腎時忍切肺方火切膿奴冬切
 肪脂也切聾耳垢也切痂口牙切脞脞也切
 股也膊也切腕耳垢也切脇脇也切脞脞也切
 切膈也市交切腕股間也切脇兩脇也切脞脞也切
 脊骨也切控張伸也切禰禰也切斲斲也切